

Ihumanea Pāngarau

Te Paenga

MĀ TE KAIKO

Kia Mōhio te Ākongā ki:

- te whiriwhiri i te paenga o tētahi āhua
- te whai i tētahi rautaki arorau ki te whakaoti rapanga

Kupu Matua:

paenga, tapawhā rite


Whāinga Paetae:

Taumata 4, Te Ine me te Āhuahanga

1. Ka whakaoti rapanga whaitake: ka kōwhiri, ka whakamahi i te waeine e hāngai ana mō te roa me te horahanga; ka whakamahi i ngā inenga tapa ki te whiriwhiri i te paenga me te horahanga o te tapawhā hāngai; ka mārama ki te whaitakenga o tētahi inenga.

Te Rapanga:

E 64cm te paenga o te hanganga poraka A, e 9 ngā poraka tapawhā rite kei roto.



Hei Mahi:


1. Whiriwhiria te paenga o te hanganga poraka E.

He pātai āwhina hei tuku mā te kaiako (ina hiahia):

- E hia te paenga o te hanganga A? Nō reira me pēhea te whiriwhiri i te roa o ngā tapa o ia tapawhā rite?
- E hia ngā tapa o ngā tapawhā rite huri āmio i te hanganga poraka E?


Hei taura rautaki:

16 ngā tapa o ngā tapawhā rite huri āmio i te hanganga A:



Nō reira, hei tātai i te roa o ngā tapa o ngā tapawhā rite: $64\text{cm} \div 16 = 4\text{cm}$

E 20 ngā tapa o ngā tapawhā rite huri āmio i te hanganga E:



Nō reira, hei tātai i te paenga o te hanganga E: $4\text{cm} \times 20 = 80\text{cm}$

2. Tuhia ētahi atu hanganga, e 9 ngā poraka kei roto. Whiriwhiria te paenga o ia hanganga poraka.

He ture mō te hanganga poraka:

- E pai ana kia pēnei te noho piri o ētahi poraka e rua:



- E pai ana kia pēnei te noho piri o ētahi poraka e rua:



- Kāore e pai ana kia pēnei:



He pātai āwhina hei tuku mā te kaiako (ina hiahiatia):

- Koia nei tētahi hanganga o ngā poraka e 9.




- E hia ngā tapa o ngā tapawhā rite huri āmio i te hanganga? ($9 + 9 + 1 + 1 = 20$)
- Nō reira, e hia mitarau (cm) te paenga o te hanganga nei? ($4\text{cm} \times 20 = 80\text{cm}$)

3. He aha te hanganga o ngā poraka e 9, he iti rawa atu te paenga?

He pātai āwhina hei tuku mā te kaiako (ina hiahiatia):

- Ko te whāinga, ko te iti rawa o ngā tapa o ngā tapawhā rite e noho ana ki te paenga o te hanganga. Nō reira kia noho pipiri ngā tapawhā rite.



E hia ngā tapa o ngā tapawhā rite huri āmio i te paenga o te hanganga? ($3 + 3 + 3 + 3 = 12$)

Ko te roa o te paenga o te hanganga = $4\text{cm} \times 12 = 36\text{cm}$

4. He aha te hanganga o ngā poraka e 9, he nui rawa atu te paenga?

He pātai āwhina hei tuku mā te kaiako (ina hiahiatia):

- Ko te whāinga, ko te maha rawa o ngā tapa o ngā tapawhā rite e noho ana ki te paenga o te hanganga. Nō reira me hono ngā kokonga o ngā tapawhā rite.



E hia ngā tapa o ngā tapawhā rite huri āmio i te paenga o te hanganga? ($4 \times 9 = 36$)

Ko te roa o te paenga o te hanganga = $4\text{cm} \times 36 = 144\text{cm}$